

- *1۔ تیجا مرحلہ گا اسمبلی چناواں غا سلسلہ مانہہ جاری مہم اج شام اختتام پزیر ہو جائے گی۔ اس مرحلہ غا چناؤ پہلی اکتوبر نانہہ کرایا جا رہیا ہیں۔ اس مرحلہ مانہہ کئی بڑا سیا سی لیڈراں غی قسمت غو فیصلو کیو جا ئے گو۔
- *2۔ کٹھوعہ ضلع مانہہ دہشت گرداں تے سلامتی دستاں بشکار تَصادم اجوں جاری ہے۔ جس مانہہ ہُن توڑی اک ہیڈ کا نستیل شہید جد کہ اک دہشت گرد ہلاک ہو گیو ہے۔
- *3۔ جموں کشمیر پولیس غا نواں ڈائریکٹر جنرل آئندہ اکتوبر مہینہ غی پہلی تاریخ نانہہ اپنو عہدو سنبھال رہیا ہیں
- *4۔ تے وزیر اعظم نریندر مو دی نے من کی بات پروگرام 10 بہرا مکمل ہون ور آکاشوانی، دور درشن تے پر سار بھارتی غا سٹاف غی سراہنا کی ہے۔

خبران غی تفصیل نال پہلا باغ علی طاہر۔

Campaign End

جموں کشمیر مانہہ اسمبلی چناواں گا تیجا تے آخری مرحلہ غے تحت جاری چناوی مہم اج شام اختتام پزیر ہو جائے گی۔ اس مرحلہ مانہہ جموں کشمیر غا کُل 40 اسمبلی حلقاں واسطے آئندہ منگلار نانہہ کہلیا جا رہیا ہیں۔ ان وچوں 24 سیٹ جموں ڈویزن جد کہ 16 اسمبلی سیٹ شمالی کشمیر غی شامل ہیں۔ جموں ڈویزن مانہہ خاص کر غے 2 جماعتاں بی جے پی تے کانگریس بشکار سخت مقابلہ غی توقع کی جا رہی ہے۔ جد کہ وادی کشمیر مانہہ نیشنل کانفرنس تے کانگریس غا اتحاد غو پیپلز کانفرنس تے عوامی اتحاد پارٹی سنگ سخت مقابلہ غی امید ہے۔ واضح رہے نواں بنایا گیا اسمبلی حلقاں واسطے سیا سی جماعتاں نانہہ نویں حکمت عملی تیار کرنی پئی ہیں۔ اس توں علا وہ کُجھ ازاد امید وار وی سیا سی جماعتاں نانہہ سخت ٹکر دے رہیا ہیں۔ اس مرحلہ مانہہ کُجھ نامور سیا سی لیڈر اپنی ساخ بچان واسطے جدوجہد کر رہیا ہیں۔ جن مانہہ سابق نا نب وزیر اعلیٰ تارا چند وی شامل ہیں جہڑا چھب اسمبلی حلقہ تیں کانگریس گا امید وار ہیں۔ اُن گو مقابلو بی جے پی غا امید وار راجیو شرما تے 2 آزاد امید واراں ستیش شرما تے نریندر سنگھ پاؤ نال ہو رہیو ہے۔ اس توں علا وہ کانگریس غا ورکینگ صدر رمن بھلا نانہہ آر ایس پورہ جموں جنوبی تیں امید وار بناویو گیو ہے۔ جموں شمالی اسمبلی حلقہ تیں سابق وزیر تے بی جے پی غا امید وار شام لال شرما غو مقابلو نیشنل کانفرنس غا لیڈر تے سابق وزیر اجے سدھوترہ سنگ ہو رہیو ہے۔ اواں سابق وزیر تے کانگریس امید وار چودھری لال سنگھ غو مقابلو بسوبلی اسمبلی حلقہ مانہہ بی جے پی غا امید وار درشن سنگھ نال ہو رہیو ہے۔ جد کہ اُدھم پور ضلع غا چینی اسمبلی حلقہ تیں پنتھر س پارٹی غا امید وار بر ش دیو سنگھ غو مقابلو اپنا ہی کزن تے اُن گا پنتھر س پارٹی غا سابق ساتھی بی جے پی غا امید وار بلونت سنگھ منکوٹیہ سنگ ہو رہیو ہے۔ اس توں علا وہ جمہوری ترقی پسند آزاد پارٹی نے وی اپنا امید وار کھلا کیا ہیں۔ واضح رہے جے سال 2014 مانہہ بی جے پی نے جموں ڈویزن تیں کُل 37 سیٹاں وچوں 25 سیٹ حاصل کی تھیں۔ جن وچوں پارٹی نے کٹھوعہ، سانبہ تے اُدھم پور ضلعان تیں تمام سیٹ حاصل کر لی تھیں۔ جد کہ جموں ضلع غی کُل 11 اسمبلی سیٹاں وچوں بی جے پی 9 سیٹ حاصل کرن مانہہ کامیاب رہی تھی۔

رکھن واسطے عوام نال ملاقات غے ذریعے رابطو قائم رکھن ور وی ائی جی پی نے زور دتو ہے۔

New DGP

وزارت داخلہ نے گذشتہ اگست مہینہ غی 15 تا ریخ نانہ ائی پی ایس افسر نلین پر بہات نانہ جموں کشمیر غا سپیشل دائریکٹر جنرل غا طور ور تعیناتی غی منظوری دتی تھی۔ جہیڑا آئندہ اکتوبر مہینہ غی پہلی تاریخ نانہ جموں کشمیر پولیس غا نوان دائریکٹر جنرل غا طور ور عہدو سنبھالیں گا۔ وے موجودہ ڈی جی پی آر آر سوین غی جگہ لیں گا۔ جہیڑا پلک یعنی 30 ستمبر نانہ سبکدوش ہو رہیا ہیں۔ نلین پر بہات ایسا وقت مانہ جموں کشمیر پولیس غا سربراہ غو عہدو سنبھال رہیا ہیں جد ملی ٹینسی اک بڑی للکار غا طور ور فر باندے آرہی ہے۔ تے یہ دہشت گرد جنگل غی لڑائی مانہ خاصی مہارت رکھیں۔ جناب پر بہات پہلاں وی جموں کشمیر مانہ ملی ٹینسی غے دوران اپنی پیشہ وارانہ خدمات انجام دے چکا ہیں۔ جن غی سلامتی دستاں مانہ کا فی اچھی ساخ ہے۔ وے اس توں پہلاں سی آر پی ایف غا ڈپٹی انسپکٹر جنرل جنوبی کشمیر، او پی ایس رینج تے سرینگر سیکٹر گا طور ور اپنی خدمات انجام دے چکا ہیں۔ اُن غی سابقہ وزیر اعلیٰ نے ملی ٹینسی ور قابو پان غا اعتراف مانہ عزت افزائی کی تھی۔ تے اُن نانہ اپنا بہترین کم غی وجہ نال انترک سُرکشا سیوا پدک تے پولیس میڈل سنگ وی نوازیو جا چکو ہے۔

یہ خبر تم آکاشوانی جموں تیں سن رہیا ہیں خبراں غا باقی حصہ نال عبدالمجید

PM MKB

وزیر اعظم نریندر مو دی نے آکاشوانی، دور درشن تے پرسار بھارتی نال جڑیا لوکان نانہ سہرايو تے کہیو جے ان غی کوششاں نال من کی بات اہم سنگ میل تک پُجیو ہے تے اس پروگرام نے 10 شاندار سال مکمل کیا ہیں۔ وزیر اعظم نے ٹی وی چینلاں، پریٹ میڈیا تے یو ٹیوب غو وی شکریو ادا کیو جہیڑا من کی بات پروگرام نانہ نشر کرے تھا۔ جناب مو دی نے کہیو جے من کی بات پروگرام مُک غی 22 زبانان غے علا وہ 12 غیر ملکی زبانان مانہ سنیو جا سکے۔ آئندہ تہوار گا سیزن بارے بولتاں واں وزیر اعظم نے کہیو جے نورتری نال شروع تیں بعد آئندہ 2 مہینہ پوجا، برتاں، تہواراں تے خوشیاں غو ماحول ہر پاسے ہو وے گو تے اُنہاں نے تمام لوکان نانہ آتا تہواراں غی مبارک باد دتی ہے۔ اج وزیر اعظم آکاشوانی ور من کی بات پروگرام غی 114 ویں قسط غے دوران خطاب کر رہیا تھا۔

Parsar Bharti Chairman

پرسار بھارتی چیر مین نونیت سہگل نے پرسار بھارتی آکاشوانی تے دور درشن غی من کی بات پروگرام مانہ تقریب کرن واسطے وزیر اعظم کو شکریو ادا کیو ہے۔ اک سوشل میڈیا پوسٹ ور جناب سہگل نے کہیو جے وزیر اعظم غی یاہ تعریف پرسار بھارتی، دور درشن تے آکاشوانی تے تمام ملازماں نانہ متاثر کرے گی تے اک تحریک دے گی۔ اُنہاں نے مزید کہیو جے من کی بات تے غے ذریعے وزیر اعظم نال جڑن ور وے فخر محسوس کریں۔ تے وزیر اعظم غا پیغام تمام پرسار بھارتی کُنہ نانہ نوی تقویت دئے گو۔

MEA Pakistan

وزیر خارجہ ڈاکٹر ایس جے شنکر نے کہیو بے جے سرحد پار دہشت گردی غی پاکستان غی پالیسی کدے وی کامیاب نہیں وے گی۔ جد کہ ایسی کاروائیاں غا نتیجہ مانہ رد عمل ظاہر ہو سکے۔ وے گذشتہ رات نیو یارک مانہ اقوام متحدہ جنرل اسمبلی غا 79 واں اجلاس سنگ خطاب کر رہیا تھا۔ ڈاکٹر جے شنکر غو کہنو تھو جے بھارت تے پاکستان بشکار جن معاملان غو نیٹو کیو جانو باقی ہے۔ اُن مانہ پاکستان غی طرفوں غیر قانونی طور وں قبضہ مانہ رکھیا گیا بھارتی علاقہ نانہ واپس کرنو تے کافی عرصہ تیں جاری دہشت گردی غی کاروائیاں نانہ ختم کرنو ہے۔ اُنہاں نے اقوام متحدہ جنرل اسمبلی غا اس اجلاس غا موضوع یعنی ”کسے نانہ وی پچھے نہیں چھوڑنو“ وں عمل کرن غی ضرورت وں زور پایو۔ تانجے اس عالمی ادارہ غی کثیر الجہتی پالیسی مانہ مزید سدھار کیو جا سکے۔

Kathua Data

ضلع کٹھوعہ گا 6 اسمبلی حلقاں بنی، بلا وں بسوبلی، جسروٹہ، کٹھوعہ تے ہیرا نگر مانہ تیجا مرحلہ غے تحت 1 اکتوبر نانہ ہون آلا انتخابات واسطے تیاری مکمل کر لی گئی ہیں۔ ضلع مانہ کل 5 لکھ 6 ہزار 6 سو 79 ووٹراں وچوں 2 لکھ 65 ہزار 4 سو 20 مرد، 2 لکھ 41 ہزار 2 سو 56 خواتین تے 3 تیجی جنس غا ووٹر ہیں۔ چناوی عمل نانہ بہتر طریقہ نال کران گا سلسلہ مانہ چناؤ کمیشن نے ضلع پھر مانہ 704 پولینگ اسٹیشن قائم کیا ہیں۔ جن وچوں 73 شہری علاقان تے 6 سو 31 پولینگ مراکز دیہی علاقان مانہ قائم کیا گیا ہیں۔ ضلع مانہ کٹھوعہ اسمبلی حلقہ مانہ سب تیں زیادہ 1 لکھ 9 ہزار ووٹر ہیں تے یوہ اسمبلی حلقو درجہ فہرست ذات واسطے مختص ہے۔ بلا وں اسمبلی حلقہ مانہ کل 94 ہزار 8 سو 45 ووٹر، ہیرا نگر اسمبلی حلقہ مانہ 88 ہزار 2 سو 61 ووٹر، جسروٹہ اسمبلی حلقہ مانہ 87 ہزار 92، بسوبلی مانہ 69 ہزار 4 سو 7 تے بنی اسمبلی حلقہ مانہ کل 58 ہزار 74 رائے دہندگان ہیں۔ اس دوران پُر امن تے بہتر طریقہ نال چناؤ کران غی خاطر تمام انتظامات کر لیا گیا ہیں۔ تے ضلع غا بکھ بکھ علاقان مانہ ووٹراں نانہ ووٹ پان تے ووٹ غی اہمیت بارے جانکاری دین غی خاطر بیداری پروگرام منعقد کیا جا رہیا ہیں۔

JK Green SVEEP

جموں کشمیر چناؤ محکمہ نے جموں کشمیر اسمبلی چناواں سال 2024 غے دوران گرین سویپ سویپ پروگرام غے تحت تمام 90 اسمبلی حلقاں مانہ بُن توڑی 1 لکھ بوٹا لان غو نشانو حاصل کر لیا ہے۔ گذشتہ کل توڑی اک لکھ 3 سو 23 بوٹا لایا جا چکا ہیں جن وچوں 5 ہزار 8 سو 54 بوٹا چھڑا گذشتہ 24 گھنٹاں غے دوران لایا گیا ہیں۔ اُدھم پور تے پونچھ ضلعان مانہ بوٹا لان گو 99 فیصدی نشانو حاصل کر لیا گیا ہے۔ جد کہ ڈوڈہ تے ریاسی ضلع مانہ بُن توڑی 97 فیصدی بوٹا لایا جا چکا ہیں۔ اعلیٰ چناؤ افسر پی کے پولے نے اس بارے جانکاری دیتاں واں دسیو ہے جے کل 20 ضلعان وچوں 10 ضلعان مانہ بُن توڑی 90 فیصدی بوٹا لان غو نشانو حاصل کر لیا گیا ہے۔
